

Unjuran ekonomi 2018 naik 5.5-6.0 peratus

BERITA HARIAN 29/3/18 m/s 27

➔ Kadar inflasi tahun ini dijangka sederhana

Semua sektor ekonomi dijangka akan terus catatkan pertumbuhan kukuh. Sektor perkilangan dan perkhidmatan akan terus menjadi penyumbang utama pertumbuhan. Permintaan domestik akan terus berkembang dengan pencetus (kenaikan) selanjutnya daripada sektor luaran”

Muhammad Ibrahim,
Gabenor BNM



pengukuhan eksport yang mendorong lebih akaun semasa yang mapan. Selain itu, kadar inflasi keseluruhan juga dijangka menjadi sederhana pada tahun ini.

Pada tahun lalu, ekonomi negara ini mencatat kadar peningkatan keluaran dalam negara kasar (KDNK) luar jangkauan iaitu pada paras 5.9 peratus.

Gabenor BNM, Tan Sri Muhammad Ibrahim, berkata semua sektor ekonomi dijangka akan terus mencatatkan pertumbuhan kukuh.

Beliau berkata, sektor perkilangan dan perkhidmatan akan terus menjadi penyumbang utama pertumbuhan.

“Permintaan domestik akan terus berkembang dengan pencetus (kenaikan) selanjutnya daripada sektor luaran.

“Penggunaan isi rumah kekal

disokong oleh persekitaran pasaran buruh yang baik,” katanya pada Taklimat Laporan Tahunan 2017 dan Laporan Kestabilan Kewangan dan Sistem Pembayaran 2017 di Kuala Lumpur, semalam.

Momentum pertumbuhan yang kukuh, kata BNM, juga akan disokong oleh limpahan positif yang berterusan daripada sektor luaran kepada aktiviti ekonomi dalam negeri.

Permintaan global beri manfaat

Prestasi perdagangan Malaysia akan mendapat manfaat daripada permintaan global yang menggalakkan, dedahan kepada kitaran teknologi global, dan kapasiti pengeluaran eksport baharu.

Di dalam negara, pertumbuhan pendapatan dan guna tenaga yang

berterusan akan mengekalkan perbelanjaan isi rumah yang mampan, yang disokong pula oleh langkah kerajaan yang berterusan dan sentimen pengguna yang bertambah baik.

Aktiviti pelaburan swasta juga dijangka dapat dikekalkan melalui perbelanjaan modal bagi projek yang sedang dilaksanakan dan projek baharu, dalam keadaan sentimen perniagaan yang meningkat. Sebaliknya, perbelanjaan sektor awam dijangka sederhana berikutan usaha konsolidasi fiskal yang berterusan dan beberapa projek utama oleh syarikat awam yang hampir siap.

Mengenai kadar inflasi, BNM mengunjurkan inflasi keseluruhan dijangka pada purata antara 2.0-3.0 peratus tahun ini berbanding 3.7 peratus tahun lalu, yang mana unjuran itu lebih rendah berbanding unjuran sebelum ini antara 3.0 peratus dan 3.5 peratus.

Meninjau ke hadapan, Muhammad Ibrahim berkata, kepelbagaian sumber pertumbuhan, pasaran eksport dan produk serta rizab antara-rabangsa yang mencukupi adalah faktor yang menyokong kedudukan negara ini dalam berdepan cabaran tidak menentu.

Kadar tukaran asing yang fleksibel juga turut menyumbang kepada ketahanan ekonomi negara dalam berdepan kejutan dan ketidakstabilan global.

“Kemungkinan kejutan pada 2018 ialah peningkatan perlindungan perdagangan, peralihan dasar monetari dalam ekonomi utama

KDNK BENAR MENGIKUT PERBELANJAAN (2010=100)

	2017a	2017a	2017r	2017a	2017r
	% daripada KDNK	Perubahan tahunan (%)		Sumbangan kepada pertumbuhan (mata peratusan)	
Permintaan Dalam Negeri ¹	92.2	6.5	5.7	6.0	5.3
Perbelanjaan sektor swasta	71.2	7.5	7.6	5.3	5.4
Penggunaan	53.7	7.0	7.2	3.7	3.8
Pelaburan	17.4	9.3	9.1	1.6	1.6
Perbelanjaan sektor awam	21.0	3.3	-0.9	0.7	-0.2
Penggunaan	13.0	5.4	0.6	0.7	0.1
Pelaburan	8.0	0.1	-3.2	0.0	-0.3
Perubahan dalam stok	0.0	-1.1	5.5	0.0	0.0
Eksport Bersih Barangan dan Perkhidmatan	7.8	9.6	8.8	-0.1	0.4
Eksport	72.9	11.0	9.1	6.7	6.4
Import	65.1	11.0	9.1	6.8	5.9